

柞溪沈氏思源堂宗譜

尹然



第九十九世嗣仙公支續修簡譜

柞溪沈氏思源堂宗譜序

人羣自圖騰以迄氏族自氏族而至國家歲歷萬千人及億兆其為一脈相傳固未以其蕃衍悠久而不可稽也惜乎東西文化性質各殊欲求其有譜牒而足為後世考者尚不多親遑論其能上溯文武下逮近季如吾族者或曰譜牒乃封建宗法社會之遺跡何貴之有殊不知人之智愚賢否之不齊與遺傳關係至鉅而社會所由構成之基礎家庭與個人同占重要之地位已為社會學者之公言欲求社會壇遞之跡家乘自有足珍現代優生學者嘗遍搜家譜以為研考之資安見異日社會學者之珍視家乘有以異於優生學者今日之所為乎邇者倭寇方北大亂初弭祠宇毀於一旦子姓散之四方而吾族家譜之修纂自清咸豐五年以迄於今將近百年其間雖經族兄毅成立民達三雄奔族姪詔成容斯及先父幹青公先後倡議續修至已蒐材過半剗剗可待而均以采訪維艱未克厥功及至七七事起即此零編斷簡亦已蕩然無存余以三十五年之秋自蜀東歸距族兄壽伯之喪僅數日以知命之年謬繼長族之任自愧能鮮而又鑒於浩劫之後百廢待舉乃商於族人裕君子美志翔玉仲冠山燕謀旭庵諸子僉以續修宗譜為急當推燕謀旭庵任總編之責廣徵填報歷時逾年始於三十七年夏付梓又以幣值貶落所需浩大幾經籌措始克奏功從此祖宗履墓知其所在本身父母知所自出親疏之等長幼之序井然具列行見子姓之中將以是而益敦其親親之誼豈不懿歟是為序民國三十七年六月百世孫善炯序

序二

家譜者一家一姓記載世系之書也聚家成國一家人之思想表現實有關於一國之趨勢其理甚明顯也吾柞溪沈氏世系宗譜二冊刊於清咸豐乙卯起自周始封祖以迄清代計年三千餘為世百有一子姓繁衍數近二千譜內大部僅載其名及其子嗣僅有少數略記事蹟而綜其所記事蹟大部均為出任當代文治百姓

武平內亂次之或博覽羣籍或專治一經或閉戶著書或設座講學屢徵不出又次之或孝友或節義得當代褒獎或精醫術或善吟咏再次之觀空證幻棄家修道從未有紀及一人之為農工商賈卓然自立者至若一受當代朝命雖末秩微員亦必為之大書特書而吾沈氏遠祚以後經營治業自明代迄清季世傳勿替然究叛自何人如何守成譜內未載一字可見我國自周秦漢以來歷朝相承專以獎勵仕進抑制農工商業不使在民間發達迨乎革命成功國體變更易皇帝為總統變世襲為任期政發民智提倡各業又已三十餘年矣乃新近修譜各房填來表格綜而觀之雖族中人不乏大學畢業各有專門而核其事業多屬公務人員大企業無論矣即小工商業亦不多觀竟無一人能深入農間從事耕種且也祖業治坊數百年未斷而今且有難乎為繼之勢嗟乎專制遺毒根深蒂固人民思想利祿薰心中國之能自強自存尚有待於人民氣質之變化也民國三十七年六月燕謀旭庵二姪纂修亮采公支譜告成爰書數語於後以警後人沈氏百有一世孫承瑜子美氏時年六十有五謹識

序三

宗法不復久矣敬宗睦族其道寢衰汪鈍翁有言凡為吾父兄子弟者苟能知仁義尊親之說而使內外有別長幼親疏有序有無相賙凶吉患難相助伏臘饋蜡祭饗飲食相周旋如此則雖不言宗而宗法寓其中矣斯言也足以挽頹風勵薄俗至於宗族散處家室流離滄海桑田關乎浩劫洪楊之役吾鄉同遭蕩析壯丁出走聚族益難溯自繡川公始遷梓溪傳至九十三世祖亮采公一支子姓漸蕃門祚日昌咸豐間曉滄公輯修家乘世系分明亂平以後同治初族兄毅成建議從事賡續祇以宗支遠出采訪難周事旋中輟先君子以未睹厥成殷殷垂誡命善明他年必踵成之嗣亦四方有志未遑莫報先人光緒中族兄立民與達三議修亮采公支祠並修宗譜以承前志及祠宇告竣而譜牒稽延迄未付梓立民達三又繼毅成先後逝歲月因循深自惶悚長子承夔成年勵學尚能繼起爰命其專任編錄上繼諸族兄未竟志願隨時編次力求完備歷時半載差

幸告成承襲以弁言請詔之曰時變方殷道德頽敝吾族親親之誼能如鈍翁所言俾累世孝友不致中墜敬宗睦族克保前型予之厚望也

民國 年 月百世孫善明謹識

謹按此序為民初詔成叔纂修家譜完稿後叔祖蔭敷公所撰謹附志於此以見當時纂修始末家詒謹誌
柞溪沈氏思源堂宗譜纂修後記

我家譜自前清咸豐五年曉滄公纂修以來迄今已將百年民初雖經詔成叔重修事已垂成以謝世未及付梓嗣經容斯叔加以補修又逢中日事變容斯叔避難鄉間流離以卒原稿竟遭兵燹遺失無存三十五年秋嗣莊族叔祖自蜀返里見吾宗祠燬圯墓木禿然宗人凋敝田舍荒蕪言下不勝感愴緬懷遠祖親觀之訓遂奮發宗睦族之舉當集合在滬宗人數度商討並經徵詢青鱸同族意見僉以興建宗祠力有未逮纂修宗譜未可或緩隨即募集捐款不足又出讓祠產十六畝許決定從事纂修並以其貴屬之家詒及亮受命之餘深滋惶悚蓋以茲事體大未可率爾操觚且詒及亮少小離鄉於族人頗多疏隔又經此次鉅變宗人四散訪查為難而宗祠燬滅於先世死生之跡亦無所稽考惟念諸長屬望之殷及宗譜需要之切若長此因循勢必五服以內昆季亦將不能舉其名矣爰不揣冒昧發起凡例請示嗣莊族叔祖及裕君子美志翔玉仲諸族叔核定從事纂修始於民國三十六年秋成於三十七年夏茲當完稿付印之日謹將纂修凡例條列如下

一東溪公與弟析居分為南北兩支咸豐舊譜兩支並列為完備起見自宜兩支並修惟南支採訪為難若待查明不知何日始能集事茲先將東溪公以下亮采公一支先行纂修分為廷煒公廷炳公廷烱公三支其南支俟將來查明後再行補纂

一自始祖聃季公至東溪公止原有咸豐舊譜可稽茲為明瞭系統起見特列一總表冠於譜首以便查攷

一 廷煒公廷炳公廷烜公三支每支另列一表冠於每支之首以明系統

一 清室封典所有國朝誥封贈草恩等字樣以國體變更一律刪除代以清封或清贈等字樣

一 生卒年月在前清時代時一律改為清某年某月某日生清某年某月某日卒其生於前清而卒於民國

時代者一律改為清某年某月某日生民國某年某月某日卒其有干支可考者不厭詳列以示正確

一 在民國時代生卒者一律改用陽曆惟族人填寫表格間有仍用陰曆者未及查明則加干支以示區別

一 鄉籍里居在前清時代仍沿用舊名在民國時代如有改革適用新名稱

一 廷煒公及廷炳公兩支合訂一冊廷烜公一支另訂一冊分為上下兩冊合成一部共印百部

一本譜創稿於民國三十六年十月初旬至民國三十七年五月下旬歲事即以本年五月底為限斷此後

生卒俟後之人續修再行登入

本譜因亂後宗人四散採訪容有未周舛誤自屬難免且以社會經濟動盪物價騰踊急於付印不及久待
疏漏之處尚希族人時加修正焉

民國三十七年六月第一百二世孫

家詒
亮謹述

柞溪沈氏世系宗譜序

我家譜系於明中葉繡川公自茗溪東遷居桐鄉之柞溪攜藏於家至國朝康熙時八世孫于玉公修之迨嘉慶庚申歲十二世孫廣南兄復修之卽今譜是也繡川公五世孫東溪公與其弟近溪公析居兄為北支弟為南支聚族於柞溪子姓繁衍自廣南兄修後迄今又五十餘年矣歲時祭掃至有彼此不相識而私問者則譜誠不可不急為之修也咸豐乙卯首春大房姪炳垣自郡城來老屋與余二人相見甫坐定卽起告曰方今江南北多故吾宗伯叔兄弟子姪輩保無有他日匿處鄉僻遠適他邦者而譜牒無存則數傳以後非特不識祖宗邱墓之所在卽其本支之所自出亦且懵焉罔知誠忉忉乎心有所未安也炳垣年雖老精力尚可支持請身任纂修之職第須各支長分查本房世次名字無遺漏無遷延庶幾易於集事修畢卽擬付刊俾各支各房分授一部以昭世守敢請兩叔父主裁則謂之曰吾姪此舉固合族之要圖亦我兩人所樂以從事者也乃轉告族中人如所請以行數月後譜成寄我二人閱定並言舊譜限於方格事實未及詳今悉從史志補纂增入仿郡城錢氏家譜式上承下接一氣聯貫至剗剗之資請於宗祠公項下支銷其南支下凡有力者亦各量力捐助費既不多事亦易竣由斯以往我族中雖或移居遠徙而羣知繡川公為始遠祖其北支祖則東溪公南支祖則近溪公脉絡相循支派足考而祖宗邱墓之所在與夫本支之所自出皆得數典而不忘焉余二人既喜炳垣之能用心且深合乎敦本收族之道而相與觀厥成也遂書其事於簡端至於各支中有繼異姓為子孫者概不准入譜以杜亂宗之弊而昭尊祖之誠是為序

咸豐五年歲在乙卯三月 九十七世孫友如同弟鈐序

炳垣公咸豐五年修譜記

累歲蘭史叔父作亮采公本支譜書成寄上海俾炳垣參閱因為補撰家傳屬草未及半因事中輟咸豐癸丑

八月上海變作倉卒避難出西城寓館所存書籍文稿及本支譜均未取出前聞寓館已被拆毀今滬城雖克復而兵燹之後想已化為灰燼矣懊恨無極用是發憤思修族譜惟舊譜世次拘於方格祇錄官階未詳事實乃重為考檢史書志乘中所載有明文者節取補纂之以分注於下其世次及名字間有舛誤亦假同宗所藏本並考字書悉心審校各為改正其崇祀鄉賢及近墓所凡若干條附錄簡首庶後之子孫知所考焉舊譜自一世至四十五世所有旁支略而不載未免過簡今依小湖侍郎家譜暨官沈氏譜源及簾軒叔父所藏舊抄譜敬謹補入

舊譜列茂春為二十世尹射尹文為二十一世謹按麟士公祖德碑記載諸梁生茂春及尹射尹文茂春襲葉爵傳葉氏族尹射生尹赤尹朱尹文生隨世次本屬明顯乃舊譜分作兩世是誤以兄弟為父子倫紀攸關急宜更正又檢唐書宰相世系表諸梁下祇載尹射尹文並無茂春則可知唐時茂春支已別為葉氏近小湖侍郎家譜暨官沈氏譜源簾軒叔父舊鈔譜均以尹射尹文列為二十一世者足徵舊譜之誤今改正

五十一世昭略舊譜列為文季子謹按南齊書文季傳兩稱兄子昭略而湖州府志人物傳亦云昭略文叔仲子則非文季子明甚今移正

舊譜載五十八世佺字雲卿此當是佺期謹按唐書佺期為相州內黃人與武康絕遠且譜源載佺期為遜道子與此上下各不相蒙疑有脫誤處今不復列入

七十二世璵舊譜作獻今從簾軒叔父舊鈔譜改正

舊譜介列在七十三世而下有小注承毓派三字是介為毓之嗣子而毓則列在七十四世不應介反居前此必舛誤檢小湖家譜介列毓下則世次昭然今移正

七十三世復舊譜誤作夏而以同知樞密院諡簡肅八字注於上格瑞下今從簾軒叔父舊鈔譜改正

舊譜七十四世鯨毓二名謹按字典黃部無此二字小湖家譜作毓毓不誤而毓仍與此譜同細審字形鯨

當作戴兢當作戴今並改正戴寒剛切戴昌嵩切並訓黃

舊譜七十六世受崇二名偏檢字典及補遺備考並無其字惟大部有受字土部有聖字當卽此二字舊譜係

手鈔本不免字畫訛誤今並改受轄覺切燥也聖訖岳切器之聲拆又土堅

舊譜八十九世泰謹按前後兄弟同輩命名俱從土旁不應秦字獨異檢字典土部無夫頭從土者祇有奎字

疑卽此字之訛然命名本無一定之例闕疑可也

舊譜所載先公入鄉賢祠者祇一明之公鑑餘悉不及今檢查各志書依次補錄於此湖州府學鄉賢祠祀四十六世堅公勳五十世雲禎公麟士烏程縣學鄉賢祠祀八十五世明之公鑑德清縣學鄉賢祠祀五十世雲禎公麟士六十五世子言公傳師七十世大理公當七十一世必先公與求七十二世次律公瑄七十三世德倅公時德之公復宜之公說七十五世德和公介武康縣學鄉賢祠祀四十六世世堅公勳四十八世汝恭公道度益州公叔任四十九世參軍公懷遠思明公懷文宏先公慶之臺真公演之五十世思整公崇係景綽公冲仲達公文季雲禎公麟士彥璋公憲敬光公田子敬士公林子五十一世秘書公昭明茂隆公昭略孝烈公昭光五十二世休文公約五十三世仕規公旋五十四世仲興公衆六十世孝和公不害桐鄉縣學忠義孝悌祠祀九十世東溪公鐸九十四世端書公元楷

舊譜不載先公墓所今世遠年湮已莫可考其遷居柞溪後自始祖繡川公以下見於懷巖公之潢祖德記者特彙錄於此以備稽考始遷祖繡川公濟墓在本鎮迴字圩李家涇計安浜東南岸其德齋公能誠齋公忠宗哲公鳳翔

來廷公鳳儀東溪公鐸侍溪公城見溪公埤□□公均祔葬繡川公墓旁近溪公灼葬余家浜北其敬溪公埤

仰溪公坎少溪公圭元貞公禹

錫惺初公禹銘頤貞公萬鐘俱祔葬近溪公墓旁悅溪公壤墓在弱字圩靈水庵西北仲

生公玉鉉卽祔葬於其側至泰淳公塾葬本邑募化鄉□□都馬家橋東而虞生公塾恭淳公鑣均祔其側焉

升調公鼎鉉墓則在本鎮打鑼浜北岸其虛儀公坤飛聲公鏐孟芳公鈺三墓俱失考炳垣謹按靈水菴即今本鎮北柵之新菴悅溪公墓在菴浜之北墓前即柞溪亮采公一濂端書公元楷亦祔葬於其側俗所稱香樟樹墳是也其各支近世所葬墓子孫繁衍俟查明再登

是譜創稿於咸豐甲寅十二月初旬至乙卯三月下旬寫清本訖其自嘉慶庚申以後南北兩支子孫房次名字悉據現在各本支查明增列卽以本年三月為限斷嗣後吾兄弟子姪輩生生不已繼繼相承容俟後之人續修再行登入焉

沈氏統宗世譜序

形於上者日月星辰天之族也形於下者山川草木地之族也命於其兩間之中惟人最靈而於宗之同為人
之族也記曰人道親也親親故尊祖尊祖故敬宗敬宗故收族族者親親之也收族者別其疏也自夫譜道
廢而族屬因之以潰族屬潰而人倫因之以斁故氏列萬方而知所從出者鮮矣嗚呼舊族豈易稱哉太尉沈
公震姬周之苗裔也示予以譜命予序稽其流光之源實自后稷壽世之基又出文王分氏之祖肇於冊季自
是隨遠而析各地衍族漢之海昏侯戎徒吳興子孫至叢延於他族獨盛不惟世多顯達而且文德烜蔚海陽
今夔大司馬徽詳以作譜至今尚觀其遺風至齊名賢麟士梁尚書僕射約學行名世厥後窮達各成其志以
道自負多有禪於名教至我唐嗣聖初有亮者徵為相出處不苟可謂無忝爾祖矣及傳至公有椒房之親三
代皆膺恩寵榮亦甚矣此之謂積德之慶也由晉而來五百有餘載矣家藏遺譜勢將溷墜公因修而續之非
善於繼述者能之乎然後之視今猶今之視昔也將有繼公而作者必曰垂則軌後先公之心也其人往矣而
其幸存者是譜也書曰學於古訓乃有獲故觀其嘉言之彰也可以知貽謀之藏書曰佑啟我後人咸以正無
缺故觀其善行之紀也可以為取法之地記曰自仁率親等而上之至於祖自義率祖順而下之至於禰故觀

其世次之傳也可以知輕重之善記曰四世而總服之窮也五世之祖免殺同姓也六世親屬竭矣故觀其圖支之載也可以知降殺之等記曰君子之教也必有其本順之至也祭其是與故觀原始之自也可以感不忘之孝嗚呼順志而象德繼美而不窮其所由來者深矣然則傳久行遠之道舍譜其何以哉時大唐貞元十六年歲次庚辰仲夏既望秘書監常州蔣義撰

沈氏世序

夫世系之編所以辨宗支也宗支不明後世不知本原矣故作譜以記世系因系以辨宗支正系而先書者為嫡長子孫其次而後書者為支庶子孫支附於幹幹附於支則宗支以明世次以敘族屬可得而考也前人作之後者仍焉後之視今不猶今之視昔乎端平二年二月十五日吉旦左將軍王株書

唐太尉修譜表

太尉臣沈震誠惶誠恐稽首頓首謹啟皇帝陛下伏以立人道以正俗聖王之所先紹先德於不朽孝子之深願故親親必尊祖尊祖必敬宗成身斯生直生直斯無忝自夫一體之道壞於人心之私彝倫摠地而風化澆漓茲臣一介鄙失濫膺天寵三代特蒙追贈之榮皆陛下念太后之劬勞登天理之至性身先孝以作天下之順政崇本以立朝廷之極也是以閭里小民莫不知崇本之道矧臣任班策名反致有背宗之戾嘗稽家藏之譜其源出於姬周其氏始於聃季吳興之族衍於海昏侯戎之避地先代之烈耀於尚書僕射約至臣雖曰年遠世系歷歷可稽恭遇陛下統堯舜之仁成雍熙之治下觀而化良心有難已之機篤倫而順大孝將不匱之思蓋惟宏沾以光汙潦之源錫誥以垂蓬蒿之系臣無任欣望之至謹表以聞大唐貞元十六年三月十一日

宋學士修譜表

翰林學士臣沈括誠惶誠恐頓首稽首謹上言伏以人道莫重於根本當知所自出明倫而崇親典之所由敦也敬先而合族禮之所由庸也若臣者脉傳姬周氏分冊季漢有祖戎吳興之族蕃滋梁有祖約學行之偉冠世歷朝不匱善類而窮達以正自持家紀多藏遠躅而言行皆可師法臣當修墜補缺以示傳久之道承古績今以昭作則之典茲蓋恭遇皇帝陛下睿哲文明溫恭允塞仁政丕冒四方致風動之休一德廣運萬姓有觀感之化臣以草茅之愚得以觀國之光深愧樛櫟之材濫列翰墨之職竊惟水之有源木之有本遠而不忘厚之道也臣既忝先德以自戾乃思裕後美以垂猷伏望天地覆載之仁移生恩以及沒古今一息之度宏存寵以開來下錫誥命耀榮茲譜則愚臣追孝之心期百年而不廢而子孫承做之志曠千古而有徵矣臣無任恐慄之至謹拜表以聞宋熙寧九年四月十一日

金鵝山沈氏祖德碑記

沈莫盛於吳興始吾祖戎建大勳辭顯秩繇江北避地居吳之餘不鄉其卒也于永平元年葬鄉金鵝山時有金鵝飛集三鳴而去童謠曰金鵝鳴沈氏興代代出公卿遂更名其山曰金鵝夫天發物祥人應歌詠繇來之數厥非偶然蓋由沈氏積善累行肇基既遠而我祖威德大業足以纘先緒光祖宗威天祐昌後嗣故吉祥之事動而先見耳沈本姬姓自帝嚳之妃姜嫄踐巨人跡而生后稷樹藝五穀開粒食之源貽萬世之利書曰后稷播種燕民乃粒是也傳黎重叔望喬不啻生鞠鞠生公劉復修后稷之業百姓懷之子慶節國於豳繼皇僕差弗毀隄公非辟方高圉侯牟亞圉雲都組紺諸暨及古公亶父篤於仁義避狄遷岐民皆捨故土而歸之古公傳王季文王聖化普被歸命者四十國孔子曰周之德其可謂至德也已矣迨武王受命其同母弟冊季載乃文王十子也有才德為司空封於汝南平輿之沈亭為沈子國沈氏得姓實始諸此冊季卒子伯桓立伯桓卒子回立回卒子采立采卒子乙初立乙初卒子蘇立蘇卒無嗣弟杼承統杼之子庚向壬局而庚向入為周

卿勛于王事仍封其子忽於沈忽卒子不離立不離卒子辛生立辛生卒子已濟立己濟卒子遇立遇卒子揖立揖卒子德允立德允卒子鱗立鱗卒子逞立年尚幼周敬王元年吳伐之奔楚子嘉立以不赴召陵之會晉怒使蔡人滅其國自駟季至嘉歷世十七國雖小弱然率忠厚鮮有兵革之警嘉生尹丙尹戌才略傑出精於兵機入楚為令尹戌生諸梁字子高有五虎之威九牛之力怒髮強鬚摧鋒敢戰楚封為葉公生茂春及尹射尹文茂春襲葉爵傳葉氏族尹射生尹赤尹朱隱華山尹文生隨楚內史司戶參軍隨生永中乙奇永中生猶行受業於曾子之門仕齊衛大夫猶行生安仁安仁生同俱齊大夫居武城同生郢有才名秦始皇併天下詔封丞相辭徙江南郢生平平生祖祖生保漢文帝以征蠻功封竹邑侯保生遵太子太傅殷德侯家九江之毒春遵生達及遠達為驃騎將軍生乾拜尚書令乾生南陽太守宏宏生河南郡守昂及昂昂生御史中丞奮奮生將作大匠子恪恪生尚書關內侯諫及謙謙生靖濟陰太守諫生戎字威卿初為光祿勳以九江從事遷濟陽太守時尹良逆命戎不煩兵甲往諭降之光武錫茅海昏侯辭不受因居吳興子孫蕃衍毓秀產靈凡金鵝鄉之沈皆出于祖戎德文並著輝映後先戎子鄧字聖通零陵太守有善政芝草生黃龍見次日禮尚書令鄧子侍御史景字孟高安平相許字仲高帝以景端鯁清直遷相河間王捕諸奸佞導王以禮帝賜衣一襲以嘉之景子荊州刺史彥彥子湘東守文淶淶子海陽令夔夔子瀾瀾子充充子勛官揚威將軍死節不屈朝廷嘉其忠贈東陽太守勛子大長秋赤鯀及吏部尚書嘉赤黔長子膺膺晉大中大夫子叔任益州刺史少子說道梓潼太守嘉子發散騎常侍次子回車騎將軍膺期生四子長慶之累建大功加始興公贈司空次虔之為樂安令居官清素民皆德之次嶽次峻並文名冠世峻為西臺學士其他支派咸昌名人代有顯耀史冊統而舉之或遠引高蹈或致君澤民或立言垂範或折衝禦侮或孝友於家庭或忠節殉國難沈氏之興莫是過也斯豈非戎祖威德垂統之所致歟宋元嘉三年伯父叔兄輩侍中懷文貞公演之襄公慶之樂安令虔之參軍璞之新寧男融之吏部尚書曇慶五兵尚書懷明光祿大夫孟頴征西長史叔仁等念祖德不忘表請於朝誥

曰東漢故臣沈戎沈國嫡系世有善行才智兼長忠義自矢遂敢身入虎穴諭以至誠一矢不加逆子格而茅社之錫用之旌功乃國難既夷挂冠遠遯捨故宅為佛寺棄封侯如脫屣進不為身退不為名忠上潔己邦家之光沈氏積善惟戎述之可追封為述善侯併勅其所捨寺為懷德寺嗚呼戎祖之德久而彌彰矣夫人於利害之關富貴之際見不透決不力避難苟祿死無得稱以視戎祖為何如耶是知叶祥於天人而昭顯于嗣裔贈爵于後王皆緣德也麟士自愧固陋雅志林泉緝古人之遺書考先世之德業竊恐前徵或湮後昆罔繼故述其大凡勒諸墓側以志不忘云時大梁天監癸未春三月吉旦第五十世孫麟士敬述

沈氏祖德碑陰記

南齊徵士吳興沈君麟士郡人也蘊道德晦於邑之餘不溪家貧無資以織簾為業時人號為織簾先生精於禮傳嘗自訓詁宗人吏部郎淵中書郎約累薦徵為著作郎加麒麟殿學士高臥不起名重江表臨終遺教依皇甫元晏棺中貯孝經一卷穿襠三尺置棺平土不設凡位四時席地元酒而奠子彝奉而行之吳郡陸惠晚張永皆為之誄徵士嘗著述祖德碑立於金鵝山之先塋年月淹遠風雨蠹蝕朽字殘文翳而莫分乾元中為盜火所製碑首毀裂嶽然將墮過江廿三葉孫御史中丞震移牒郡國請某封葺或屬兵凶曠而莫修忽有樸樹生於龜腹盤根趾聳幹夾碑儼如工造鬱若神化敬者復正危而再堅夫德無名遇賢而鍾慶神無質假物以申應沈氏積善既遠徵士植德彌深天將興舊族乎吾知沈氏之復大也檢校宗事十五葉孫前太廟齋郎怡悲泣松檟增修舊塋先碑之隕覆懼遺文之殘闕乃具他石傳而貳焉崇其本所以尊先也建其新所以嗣德也以真卿江南婚姻之舊中外伯仲之穆謬忝邦刺見託斯文刊諸碑陰以傳不朽因名其樹為慶樹以旌其美焉沈氏之故事具於家牒今闕而不紀時有唐大歷戊午冬十二月也顏真卿撰并書

柞溪沈氏祖德記

始遷祖繡川公諱濟處士織原公三十七世孫娶姚氏續娶尤氏自茗溪贅桐鄉之柞溪遂居馬雄於貲值歲大歉代償本邑糧六里緣此家中落然厥功鉅矣舉鄉飲賓子一諱能公生卒年月日時俱失傳合葬本鄉迴字圩李家涇計安浜東南岸

德齋公諱能桐鄉邑庠生繡川公子娶施氏子一諱忠公生卒年月日時俱失傳附葬繡川公墓旁

誠齋公諱忠處士德齋公子娶姚氏克恢先業以詩書訓後人後兩世不析第一門孝友皆公之遺訓也子二長諱鳳翔次諱鳳儀女一適魏氏克生卒年月日時失俱傳附葬繡川公墓旁

宗哲公諱鳳翔處士誠齋公長子娶顧氏與來廷公同居式好無尤妯娌之間雍雍肅肅迨東溪近溪兩公析箸時顧氏楊氏兩孀人尚在昆弟友愛遺風不墜云子一諱鐸公生卒年月日時俱失傳附葬繡川公墓旁來廷公諱鳳儀處士誠齋公次子娶朱氏續娶楊氏與宗哲公同居恪遵遺命人無間言祖業復振子一諱灼公生卒年月日時俱失傳附葬繡川公墓旁

東溪公諱鐸處士宗哲公子娶陳氏續娶孫氏世襲指揮文經孫公女為北支祖以退倭寇功授錦衣衛百戶職不就事載行述及邑乘子三長諱城次諱壤次諱埤俱孫氏孀人出公生卒年月日時俱失傳附葬繡川公墓旁

近溪公諱灼處士來廷公子娶朱氏續娶陳氏王氏壯年始與東溪公析居余家浜南建西沈射堂為南支祖守先裕後子姓繁昌教之孝友訓以詩禮里黨中嘖嘖稱長者云子六長戒均次諱埤次諱坎次諱圭次諱坤次諱塾俱王氏孀人出公生於嘉靖丙申年某月某日歿於萬曆丁巳年某月某日享年八十有二合葬余家浜北

侍溪公諱城處士東溪公長子娶黃氏續娶許氏王氏與悅溪公同起家建恭儉堂凡東溪公閨中所得秘書藏焉無子女一許氏出適某氏公生於某年某月某日歿於崇禎甲戌年三月初一日附葬繡川公墓旁

悅溪公諱壤處士東溪公次子娶邱氏公以勤儉起家復先世遺產好施與長厚之聲溢鄉里馬子二長諱鼎
鉉次諱玉鉉女一適本鎮南庄陸氏公生於萬曆戊寅年二月十二日歿於順治壬辰年十月初三日享年
七十有五合葬弱字圩靈水菴西北

見溪公諱埤處士東溪公三子娶黃氏無子公生卒年月日時俱失傳附葬繡川公墓旁

□□公諱均近溪公長子年十六歲卒未娶附葬繡川公墓旁

敬溪公諱埤處士近溪公次子娶余氏子一諱禹錫女一適某氏公生於嘉靖某年某月某日歿於某年某月
某日享年七十有□附葬近溪公墓旁

仰溪公諱坎處士近溪公三子娶金氏讀書有遠大志訓子弟以儒業待宗族有隱德從貴志而歿子一諱禹

銘公生卒年月日時失俱傳附葬近溪公墓旁

少溪公諱圭處士近溪公四子娶朱氏無子繼虛儀公長子諱萬鍾為嗣公生於某年某月某日歿於順治丙
戌年八月二十三日附葬近溪公墓旁

虛儀公諱坤近溪公五子娶余氏弱冠補本邑博士弟子員精易學著易經講義一部藏於家未刻餘事載行

略子二長諱萬鍾繼少溪公後次諱鏐原諱萬銓女一適本邑聖王廟朱氏公生於萬曆乙亥年某月某日
歿於崇禎辛巳年某月某日享年六十有七葬失考

泰淳公諱塾處士近溪公六子娶口氏習儒業隱居教授有高節事載家傳子三長諱鏐次諱鏐女一

適本邑俞氏諱□教諭俞公之孫公生於萬曆辛巳年某月某日歿於順治丙戌年十月初二日享年六十

有六葬於本邑募化鄉馬家橋東

升調公諱鼎鉉處士悅溪公長子娶董氏子六長諱一渭次諱一清次諱一漸次諱一濬次諱一泗次諱一濂
公生卒年月日時俱失傳葬打鑼浜北岸

仲生公諱玉鉉悅溪公次子娶孔氏子二長諱一洙次諱一涇公生於天啟癸亥年閏十月三十日歿於康熙丁巳年七月二十六日享年五十有五葬於靈水菴祖墓之旁

元貞公諱禹錫處士敬溪公子娶沈氏子一諱日涵公生於萬歷丁未年某月某日歿於順治辛丑年七月二十六日享年五十有五附葬近溪公墓旁

惺初公諱禹銘處士仰溪公子娶沈氏子二長諱日洪次諱日澄女一適周氏公生於萬歷己亥年某月某日歿於康熙癸卯年十月某日享年六十有五附葬近溪公墓旁

頤貞公諱萬鍾處士虛儀公長子繼少溪公後娶高氏無子繼飛聲公長子諱資深為嗣女二長適本鎮張氏次適本鎮董氏公生於萬歷丙午年某月某日歿於康熙辛酉年八月二十日享年七十有六附葬近溪公墓旁

飛聲公諱鏐原諱萬銓桐鄉邑庠生虛儀公次子娶吳氏崇禎乙卯舉人庚辰會副諱志章公姪女續娶戚氏公天性厚重勤學好文名震一時訓子弟多所成就事載行略子四長諱資深繼頤貞公後次諱文江次諱學源次諱學潛俱戚氏出公生於萬歷丁未年十月初六日歿於康熙壬戌年三月二十七日享年六十有六葬失考

孟芳公諱鏐泰淳公長子時荒亂繼作公雄才大略卒瘞枯槁克振家業且天性孝友為里中推重生於萬歷辛亥年某月某日歿於順治癸巳年某月某日享年四十有三娶李氏崇禎丁丑進士諱喬之公姪女年三十孀居無後茹荼飲冰守公之遺業以待繼事詳家傳侯旌葬失考

虞生公諱鏐處士泰淳公次子大創基業克振家聲娶□氏子三長諱之潢次諱之泓次諱之渭公生卒年月日時俱失傳葬於馬家橋泰淳公墓旁

恭淳公諱鏐處士泰淳公三子輔兄起家篤於友愛娶□氏子一諱之灝公生卒年月日時俱失傳葬於馬家

五世同堂節略

我家沈氏系出竹墩明中葉繡川公諱濟遠居於桐鄉之柞溪自遷居始祖以至寶稼十有餘傳世有隱德俱備列家乘寶稼之生也重聞具慶而曾祖妣魏太恭人猶在堂得以親承色笑者二十年自太恭人逝世以來忽忽十載緬閭德之猶存仰徽音而如昨每一追溯欣戚系之用敢銓次梗概以備他日之修邑志輯家乘者採擇焉太恭人姓魏氏同邑太學生諱遐昌之女母彭氏欽旌節孝以高年終太恭人生而淑慎肆窈窕象德之篇工織紵組紃之事年二十五來歸於我曾祖考妣贈朝議大夫月亭公時尊章在堂敬奉倍至凡佐月亭封公內政者三十年自月亭封公捐館後家道中落太恭人綜理家事勤以持身儉以自奉我大父入奉母教克繼清芬數十年來家復振此則遠近族黨之中所素聞而非獨寶稼一人之私言已也太恭人生子二長名鈞嗣伯曾祖諱孝恭公後次即寶稼祖父也女一適同邑朱自我父而下寶稼兄弟三人仲曰寶馨季曰寶稷早殤妹二人乙巳冬寶稼完姻太恭人望元孫甚切丁未始舉一男太恭人顧而樂之謂寶稼曰五世一堂雍雍聚順今而後喜可知已惜爾祖母嚴繼祖母朱相繼逝世不克見曾孫繞膝之歡耳然吾得上侍尊章下逮曾元不特同宗未有即吾邑亦罕親者吾何脩惟益加兢惕爾其志之越二年己酉郡邑以其事上聞明年庚戌旨下如所請並給五世同堂匾音及命下之日太恭人已於前一年逝世矣太恭人生於乾隆二十五年六月初八日歿於道光二十九年十一月十一日享壽九十乃於咸豐元年閏八月合葬曾祖考於靈水庵祖塋之側地僅數弓從先志焉三年癸丑我父以籌餉事例奉旨議叙布政司理問加四級恭遇覃恩妣封曾祖考朝議大夫曾祖妣魏氏妣封恭人我祖父誥贈朝議大夫祖妣魏氏皆贈恭人寶稼復得議叙七品京員褒典之榮疊膺於朝方今祖父年屆七旬精神矍鑠寶稼長子已成童自今以後或五六年或七八年倘得藉太恭人之遺陰使善元抱子以娛高曾之白首則五世同堂一門再見惟有奉太恭人兢惕一言世守相戒庶綿